

Uzmi od dobara njihovih zekat da ih njime očistiš i blagoslovljenim učiniš i pomoli se za njih, molitva tvoja će ih, sigurno, smiriti, a Allah sve čuje i sve zna.

(Kur'an, Et-Tevbe, 103)

ZEKAT

Najbolji način čišćenja imovine muslimana

Zekat je farz, neupitna obaveza, svakog punoljetnog, umno zdravog, slobodnog muslimana čija imovina dostiže ili prelazi vrijednost nisaba.

Obaveza zekata utemeljena je na brojnim ajetima iz Kur'ana i hadisima Muhammeda, alejhi-s-selam.

Zekat je Islamski šart, treći stub islama, po važnosti odmah nakon namaza. U dvadeset i osam ajeta u Kur'anu zekat se navodi kao obaveza, zajedno s namazom.

Na osnovu Kur'anskih ajeta i hadisa Muhammeda, alejhi-s-selam, može se ustvrditi da:

Zekat je najbolji način čišćenja imovine muslimana.

Zekatom se osigurava i štiti imovina muslimana, davaoca zekata, kao što se štiti i cjelokupna zajednica od raznoraznih nepogoda i nesreća.

Zekatom se unapređuje imovina muslimana i stvaraju se pretpostavke za njeno uvećavanje.

Zekat je jedna od najboljih investicija muslimana i predujeta za povećanje bereketa njega i njegove porodice.

Zekatom se potvrđuje vjera i pripadnost zajednici Muslimana.

Za propisno izvršavanje obaveze davanja zekata, slijedi odgovarajuća **nagrada** kako na ovom tako i na budućem Svijetu.

Negiranje zekata kao obaveze izvodi iz vjere, a neizvršavanje **obaveze davanja zekata,** od strane onoga ko ga je dužan dati, za posljedicu ima **umanjenje nafake, propadanje imetka, duševni nemir i žestoku kaznu** kako na ovom tako i na budućem Svijetu.

Zekat se obračunava i daje na: Zlato, srebro, novac, trgovačku robu i poslovanje, dionice, pozajmice, godišnja primanja, državne obveznice, vrijednosni papiri, osiguranja koja uključuju štednju (**tekaful**), prihod od iznajmljivanja i prodaje nekretnina, poljoprivredne proizvode, minerale, rude i stoku.




Sadekatu-l-fitr

je **vadžib**, obaveza muslimana, a označava davanje određenog iznosa iz svog imetka kako bi se, primarno, davalac-postać očistio od mogućih počinjenih manjih grešaka u toku posta.

Ove godine visina sadekatu-l-fitra u **Sjedinjenim Američkim državama** iznosi:

- **20 \$ (USD)** za prvu kategoriju davalaca
- **10 \$ (USD)** za drugu kategoriju davalaca

Iznos fidje je istovjetan iznosima sadekatu-l-fitra, jer podrazumjeva vrijednost jednodnevne hrane osobe koja daje fidju.



Šema raspodjele sredstava iz **Fonda Bejtu-l-mal** Islamske zajednice u Bosni i Hercegovini

Bejtu-l-mal

Zekat i sadekatu-l-fitr se daje u **Fond Bejtu-l-mal** Islamske zajednice u BiH iz kojeg se finansiraju medrese i islamski fakulteti koji djeluju u okviru IZ u BiH, vjerskoprosvjetne aktivnosti IZ u BiH, mediji IZ u BiH, podrška povratku, porodicama šehida, siromašnim, stipendije za studente i učenike...

Zekat i sadekatu-l-fitr se može uplatiti u svim džematima putem blokova ili putem transakcijskih računa.

Više informacija o značaju, obračunu i raspodjeli zekata možete saznati putem web stranice i zekat kalkulatora:

www.zekat.ba

E-mail: zekat@rijaset.ba • Telefon: +387/33/ 533 000